

澤州志卷之四

職官志

設官授職內外攸分然從政之原州縣爲急親民  
之任宰牧爲先周官有縣正各掌其縣之政令而  
賞罰之漢世郎官出宰百里晉制不經宰縣不得  
入爲臺郎北齊制縣爲上中下三等唐宋有赤望  
紫上中下六等之差總治民政勸課農桑凡戶口  
賦役錢穀賑濟給納申舉孝悌刑獄訴訟之事皆  
掌焉非明於吏治達於教化者不能勝也顧乃聽

命上官一切以文法相糾繩動多掣肘不得毫髮  
施展自明以來上而有守丞又上而有監司又上  
而有藩臬又上而有督撫以勢相臨以權相制愛  
憎靡常喜怒莫測一不得當則譴斥隨之事愈勞  
而職愈猥雖使卓魯復生亦難以著循良之績而  
播愷悌之聲也至若地當孔道冠蓋相望舟車絡  
繹叫喚鞭撻於郵亭者日夜不休欲不飾厲備稱  
過使客其得已乎榮邑壤地褊小大河貫之而介  
南北之衝雲貴楚粵之達於京都者往來不絕也

夫既瀕河而處衝途矣卽不繁於聽斷而不得不繁於送迎卽不疲於徵輸而不得不疲於供應卽不難於刀筆筐篋之期會而不得不難於差夫運料之倉皇四者兼之三河屬縣當必以滎邑爲最劇矣因歷敘前後職官而論及之所以致慨於長材短馭未易從容而肆應也邑故滎陽郡治紀信三人死事於此故首錄焉太守郡丞雖所統者不一縣而舊治於此卽次列焉令以下乃有丞簿尉皆藉以共勦職業而學官武弁亦各有訓士練兵

之責者也例得連類而書志職官

漢守將

紀信從沛公赴鴻門沛公置車騎脫身獨騎與樊噲  
夏侯嬰靳彊及信四人持劍盾步走從酈山下道芷  
陽間行趣霸上漢三年五月楚急圍漢王于滎陽信  
言于漢王曰事已急矣請爲王誑楚爲王王可以間  
出信乃乘黃屋車傳左纛曰城中食盡漢王降楚軍  
皆呼萬歲漢王與數十騎從城西門出走成皐項羽  
見信問漢王安在信曰漢王已出矣羽燒殺信

按舊志載信春秋紀侯之後以國爲姓四川西充  
縣高陽里扶龍村人明封爲榮澤侯謚忠烈秦時  
郡國尙無四川所謂西充高陽扶龍云者不知所  
据何書恐屬臆造刪之

周苛沛人秦時爲泗水卒史及高祖起沛擊破泗水  
守監于是苛自卒史從沛公沛公以周苛爲客從入  
關破秦沛公立爲漢王以周苛爲御史大夫漢王四  
年楚圍漢王滎陽急漢王遁出去而使苛守滎陽城  
楚破滎陽城欲令苛將苛罵曰若趣釋漢王不然今

爲虜矣項羽怒烹周項六年苛子周成以父死事封爲高景侯史記

按舊志載苛字法正不知何據今從史記周昌傳刪之

樅公漢王使御史大夫周苛樅公魏豹守滎陽周苛陽城生得周苛項王謂周苛曰爲我將我以公爲上將軍封三萬戶周苛罵曰若不趣降漢漢今虜若者非漢敵也項王怒烹周苛并殺樅公史記

魏太守

傅嘏字蘭石北地泥陽人辟司空掾正始初除尙書郎遷黃門侍郎免官起家拜滎陽太守不行遷尙書守尙書僕射

魏志

晉太守

魏舒字陽元任城樊人爲尙書郎轉相國參軍遷宜陽滎陽二郡太守甚有聲稱徵拜散騎常侍後領司徒太熙元年薨年八十二

晉書

傅祗字子莊父嘏魏太常祗性至孝才識明練武藝

始建東宮起家太子舍人累遷散騎黃門郎賜爵關  
內侯爲滎陽太守自魏黃初大水之後河濟泛溢鄧  
艾常著濟河論開石閘而通之至是復浸壞祇乃造  
沉萊堰至今兗豫無水患百姓爲立碑頌焉兼廷尉  
遷常侍左軍將軍封靈川縣公仕至司徒

晉書

吳子仲滎陽太守阮籍有贈詩

桓陵字元徽有名于晉武帝世至滎陽太守

世

丁嶷滎陽太守

晉書荀勗傳

荀組字太章初爲司徒左西屬歷太子中庶子滎陽

太守 晉書

裴疑字文冀河東聞喜人清方有幹略歷滎陽太守屬天下亂遂求爲昌黎太守 晉書

李矩字世廻平陽人爲本郡督護謝病去屬劉淵攻平陽矩素爲鄉人所愛推爲塢主東屯滎陽後移新

鄭冰嘉末洛陽失守太尉司藩奔陽城承制假矩滎陽太守矩招懷離散遠近多附之石勒親率大衆襲矩矩擊破之元帝加矩冠軍將軍領河東平陽太守劉聰使其將趙固鎮洛陽率騎二千來降矩還令守

洛聰遣子粲率步騎十萬屯孟津北岸分遣劉雅生  
攻趙固于洛回奔陽城山矩遣郭誦屯洛口以救之  
誦使將張皮簡精卒千人夜渡河粲衆驚潰因據其  
營及旦粲見皮等人少更與雅生悉衆攻之苦戰二  
十餘日不能下矩進救之夜遣部將格增潛入皮壘  
焚燒器械突圍而出犇虎牢追之不及聰因憤患發  
病而死帝嘉其功除矩都督河南三郡軍事安西將  
軍滎陽太守封修武縣侯大興元年五月以爲都督  
司州諸軍事司州刺史改封平陽縣侯將軍如故後

司州諸軍事司州刺史改封平陽縣侯將軍如故後

將石生屯洛陽矩將士有陰欲歸勒者矩知之而  
不能討乃率衆南走將歸朝廷衆皆道亡至魯陽縣  
墜馬卒塋襄陽之峴山

晉書

裴純榮陽太守永嘉四年五月石勒南濟河純奔建

鄴

晉書

劉逵穆帝時榮陽太守

晉書

劉遠哀帝時榮陽太守

晉書

習鑿齒字彥威襄陽人以文筆著稱辟荊州從事遷

別駕出爲榮陽太守著漢晉春秋

晉書

餘蔚故扶餘王太元九年爲榮陽太守慕容垂兵至

降之

舊志

張卓榮陽太守太元十四年爲翟遼所執

晉書

宋太守

毛德祖高祖時爲榮陽太守冠軍將軍封觀陽縣男

又刺司州刺史戊虎牢立戰功魏攻虎牢二百餘

日眼皆生瘡終無叛志

宋書

德祖不肯去爲魏所執

崔模元嘉中爲榮陽太守

從司州刺史尹冲戊虎牢

魏所陷冲模俱抗節不降投壑死

宋書

按北史崔模傳字思範神麀中降魏不言死事豈別爲一人歟

### 北魏太守

王慧龍太原晉陽人晉尙書僕射愉之孫散騎常侍

緝之子初宋武微時愉不爲之禮及得志愉合家見

詠慧龍年十四爲沙門僧彬所匿因將過江奔姚興

速姚泓滅歸魏太武神麀四年助文頡克滑臺授龍

驤將軍賜爵長社侯拜滎陽太守在郡十年農戰並

修大著聲績歸附者萬餘家宋主縱反間于魏云慧  
龍欲引宋入寇魏主聞之賜慧龍璽書曰劉義隆畏  
將軍如虎欲相中害朕自知之不足介意宋主復遣  
刺客呂元伯刺之詐爲降者求屏人語慧龍疑之使  
探其懷得尺刃元伯請死慧龍曰各爲其主耳釋之  
真君元年拜使持節寧南將軍武牢鎮都副將未至  
鎮而卒贈安南將軍荊州刺史謚穆侯元伯感全宥  
之恩留守墓側終身不去

北史

鄭德元滎陽太守

府志

鄭穎考太和中滎陽太守

府志

李承字伯業滎陽太守姑臧穆侯

北史

裴光福永熙末滎陽太守

北史

鄭靈虬滎陽太守

世系表

鄭季騶滎陽太守

世系表

世景西河介休人明刑理著律令裁決疑獄剖判如流爲伏波將軍行滎陽太守鄭氏豪橫號爲難制濟州刺史鄭尙弟遠慶先爲苑陵令多所受納百姓患之而世景下車召而誠之遠慶行意自若世景繩

之以法遠慶懼棄官走于是屬縣畏威莫不改肅終日坐于聽事未嘗寢息人間之事巨細必知發姦擿伏有若神明嘗有一吏休滿還郡食人雞豚又有一幹受人一帽又食二雞世景叱而告之吏幹叩頭伏罪于是上下震悚莫敢犯禁

北史

蘇淑字仲和武邑人熙平中襲爵晉陽男除樂陵內史歷滎陽中山二郡太守卒淑清心愛下所歷三郡皆爲吏人所思當時稱爲良二千石武定初贈衛大將軍都官尚書瀛州刺史謚曰懿

北史循吏傳

裴瑜字文瑞封下密縣子試守柴陽郡坐虐暴殺人免官卒于勃海太守

楊昱字元略。元顥侵逼大梁。除昱南道大都督。鎮滎陽。顥乘虛徑進一城。陷。昱與弟息五人在門樓上。顥至。執昱下。責曰。卿今死甘心否。答曰。分不望生。向所以不下樓。正慮亂兵耳。但恨八十老父無人供養。乞小弟一命。便是死不朽也。顥將陳慶之。胡光等伏。顥帳前。曰。陛下度江三千里。無遺鏃費。昨日殺傷五百餘人。乞求楊昱以快意願。曰。我在江東聞梁主言。初下